

宣德鼎彝譜八卷

珣宣爐博論

翁宣泉先生手寫本 五經從橫室藏

宣德鼎彝譜



此明宣德三年工部檔案也。遼陽年中丞希先從部錄出。以宣宗諭旨中
有鑪鼎彝器四字。遂摘用之。係年氏所定。非實事也。司禮監張斌奉旨與
工部尚書呂崇眼同校勘。覈實計所用之物。暹羅國風磨生鏤洋銅三
萬九千六百斤。赤金八百兩。白銀三千六百兩。倭源白水鉛一萬七千斤。倭源墨水
鉛六千斤。日本國紅銅一千斤。荷蘭國洋錫八百斤。鋼鐵一萬二千斤。天方國
砬礮砂三百二十斤。三佛齊國紫砬三百斤。滿尼國紫礬三百斤。滿泥國胭
脂石二百斤。琉球國黑潤砂三百斤。金絲礬二百斤。晉赤礬二百斤。鴨嘴胆
礬二百四十斤。白礬二百斤。黃礬礬一百二十斤。寒水石二百斤。出水銀一千二百
斤。辰砂砬砂三十斤。石青三十斤。石綠三十斤。銅綠三十斤。古墨二礬砂五十斤。白餅
砂五十斤。黃丹五十斤。文信五十斤。礬砂五十斤。方解石二十斤。自然銅一百斤。白礬

一萬二千斤磨光後上包用黃泥一斤造模式用血竭二十斤無名果二十斤赤
石脂二十斤雲南黑白礬子各二斤箇雲南料石二十斤生水煤炭十斤
八斤湖廣標炭十斤松木生柴一萬斤薑黃三斤楊木桴炭
六斤光砂二十斤共三千三百二十五件有漆金銀漆藤經流金四色用赤
金作屑鍊鑄七次水銀蒸擦入骨作兩雪點子稱曰漆金鑄具時物力
富饒取多用紅故宣鑄為後世所寶貴劉氏帝系系物吹謂為內庫
生火取其煨煉鑄鑪家至寶錄不能定生火之虛實不指冊鑄具之
年月今於可考也劉氏不知何所存不妄言之王氏池北偶談又載用其
說尤為耳食 右抗大宗書後一為見道世書系所下西書原書及司禮監張斌三部
為手寫崇禎此本大異其錄所用之物以此本多字不同抗氏不見或年十丞此本別有歟學齋

宣德鼎彝譜序

太子太師華蓋殿大學士兼吏部尚書 臣楊榮奉 撰 恭撰

蓋聞鳥跡雲章天垂制作河圖洛篆地起經營商尚
質而周尚文列聖規模乎軋造禹鑄鼎而湯銘盤群
后惕存乎人鑑亘古及今無不功垂九有績懋千秋
恭惟

皇帝陛下聰明睿智度越唐虞虛已用賢光昭舜典
開誠納諫廣達堯聰聖德欽于昊天卿雲繽紛虞闕
皇仁被于后土醴泉沸湧姚墟是以八紘重譯萬國
咸賓瘴海鯨波不憚螺舟萬里流沙象乘豈辨豹霧
千重于是呼韓稽顙冒頓稱藩貢陽邁之良金獻越



裳之馴雉內輸九府備用三朝伏遇

皇帝陛下聖明恭儉宵旰彌殷作樂邁于咸池制器

陳于栢寢爰飭臣工式稽典禮商彝周鼎畫被龍文

漢蠶秦尊紋追鳳彩誠謂天朝之偉器昭代之尊彝

在宗廟則與瑚璉並珍在朝廷則與球琳共寶臣等

何幸叨生聖世獲覩奇琛敢肆蕪詞并言于首對揚

九拜戰悸彌深謹序

宣德三年五月十一日奉

聖俞仰序文溫雅且微鴻博特賜白金文籍以彰

華翰欽哉

宣德鼎彝譜卷一

太子太保工部尚書臣吳中奉 勅編次

宣德三年三月初三日司禮監太監吳誠賚出聖諭

一道勅諭工部尚書吳中朕自御極以來荷賴皇天

垂祐海宇清寧黔首奠安四夷賓服重譯獻琛而至

者三十餘國朕惟涼德實深內疚因見郊壇太廟內

廷所在陳設鼎彝式範鄙陋殊乖古制是以深繫朕

懷今有暹羅國王刺迦滿靄所貢良銅厥號風磨色

同陽邁朕擬思惟所用堪鑄鼎彝以供郊壇太廟內

廷之用今著禮部會同太常寺司禮監諸官參酌機

宜該鑄鼎彝自上用之外以及頒賜各王府兩京文



宣德三年五月十一日奉

武衙門數目多寡款式巨細悉做宣和博古圖錄及
考古諸書并內庫所藏柴汝官哥均定各窑器皿款
式典雅者寫圖進呈揀選照依原樣勒限鑄成今特
勅爾工部可速開冶鼓鑄應用工匠金銀銅鐵鉛錫
藥料可著實明白開冊具奏毋得隱冒侵欺察出治
罪欽此

宣德三年三月

日勅

禮部一本為欽奉上諭事

太子太保禮部尚書

臣

呂震于宣德三年三月初三

日接到司禮監太監

臣

吳誠賚出聖諭一道着

臣會

同太常寺卿

臣

周瑛司禮監太監

臣

吳誠彙查本部

祠祭冊籍以及太常寺裡祀署司禮監內豐積庫冊
籍所載郊壇太廟內廷供用鼎彝等件已經會同諸
臣參酌遵旨于博古圖錄攷古諸書中遴選款式典
雅者紀得八十有八種其柴汝官哥均定中亦選得
二十有九種二共一百一十七種謹寫圖形進呈御
覽可否伏候上裁

臣

等誠惶誠恐稽首頓首隨冊謹
疏

宣德三年三月

日

宣德三年四月初十日

司禮監太監

臣

吳誠賚出聖

諭一道勅諭禮部朕覽鼎彝諸款深合古制可着工
部照式鼓鑄該用物料即着照冊奏聞給付欽此

宣德三年四月 日勅

工部一本為欽奉上諭事

太子太保工部尚書臣吳中接到禮部移會遵旨開
治鼓鑄鼎彝以供郊壇太廟內廷之用共紀一百一
十七款通計三千三百六十五件照依原降款式謹
遵欽限鑄造該用金銀銅鐵鉛藥遵旨明白開載具
奏上聞伏候聖裁頒發謹疏

宣德三年四月 日

鑄治須知黃冊一本鈐印進呈御覽所應頒發各
項物料須至冊者
計開

暹羅國洋銅三萬九千六百斤

赤金八百兩

白銀二千六百兩

倭源白水鉛一萬七千斤

倭源黑水鉛八千斤

日本國生紅銅一千斤

賀蘭國花洋斗錫八百斤

天方國番礪砂三百六十斤

三佛齊國紫碓石三百斤

渤泥國紫礪石三百斤

渤泥國臙脂石三百斤

金絲礬二百斤

晉礬二百四十斤

黃明礬一百二十斤

白明礬二百斤

寒水石二百斤

出山水銀一千八百斤

辰州府硃砂三十斤

梅花片石青三十斤

石綠三十斤

古墨二十斤

銅綠三十斤

黃丹五十斤

礪砂三十斤

方解石二十斤

白蠟一百三十斤

黃蠟八百斤

血竭二十斤

無名異二十斤

赤石脂二十斤

光砂一千斤

雲南黑白碁子二萬个

雲南料石一百二十斤

煤炭十萬八千斤

櫟木炭十萬八千斤

松木柴三十萬斤

蘆柴三萬斤

楊木煇炭六百斤

石灰四十石

皇磚四萬口

黃砂三石

玉田砂三石

大毛桎竹三百莖

鑊力木十六根

杉木一百二十根

官瓦六萬片

大風箱二十具

大小陽罐二萬介

大小洋銅鑊確四百介

煇銅大鑊篩十具 圍徑一丈一尺

勾管爐冶鼓鑄局官二員

提舉爐冶鼓鑄局官二員

鼓鑄局匠人六十四名

鼓鑄局風箱夫二十名

鼓鑄局水夫十名

鼓鑄局火夫十名

臣吳中等誠惶誠恐稽首頓首遵旨謹奏所列應用金銀銅鐵藥料什物大小臣員工匠俱已估計明白真實無虛謹于宣德三年四月二十日率本部大小臣員恭詣乾清宮具本隨冊上達天聰倘蒙俞允乞命司禮監太監臣到臣部限同勘校虛實以便具本恭詣內府及各衙門領取應用物料施行庶可依限鑄造上進伏祈賜垂睿覽臣等無任榮遇之至
宣德三年四月 日疏

太子太保工部尚書 臣 吳 中

左侍郎 臣 王景崇

右侍郎 臣 徐 驥

營繕司郎中 臣 張 禧

員外郎 臣 趙 璟

員外郎 臣 王 驥

主事 臣 朱文光

主事 臣 王玉益

主事 臣 員 缺

虞衡司郎中 臣 章藻鑑

郎中 臣 諸升陞

郎中 臣 員 缺

員外郎 臣 周衣言

員外郎

臣孔書

員外郎

臣蔣安吉

主事

臣周文

主事

臣于景宣

都水司郎中

臣員缺

署印郎中

臣潘學海

郎中

臣党賢

郎中

臣張美

郎中

臣差缺

員外郎

臣黃如金

員外郎

臣田豐

主事

臣米寶

主事

臣張貴誠

主事

臣員缺

屯田司掌印郎中

臣伊帝錫

郎中

臣員缺

員外郎

臣錢貢

主事

臣馮又異

主事

臣李琦

司務

臣瞿亨

司務

臣蘇定宇

鑄冶局大使

臣張護

鑄治局大使 臣許百祿

宣德鼎彝譜卷之一終

宣德鼎彝譜卷二

太子太傅禮部尚書 臣呂震奉 勅編次

宣德三年四月二十四日上御乾清宮瑤華殿勅諭
司禮監太監吳誠工部尚書吳中等所上冊本朕已
親覽所費浩大今着爾可往工部校勘虛實其金銀
藥料等物作何用度可酌量裁減的實具本奏來欽
此

司禮監一本為欽奉上諭事司禮監太監 臣吳誠于
宣德三年四月廿四日奉聖旨命臣前往工部查勘
所奏鑄造鼎彝應用金銀藥料物件 臣與部 臣吳中
等細加酌量鑄造鼎彝大小輕重估計該用物件裁

減十分之二具冊上聞恭呈御覽倘蒙聖恩俞允勅諭付外施行

今將裁減物料清冊具奏如左

暹羅國風磨銅原冊三萬九千六百斤

今裁減七千九百二十斤 實該三萬一千

六百八十斤 此銅作鑄造鼎彝諸器用

赤金原冊八百兩

今裁減一百六十兩 實該六百四十兩

此金作商嵌泥金流金鼎彝用

白銀原冊二千六百兩

今裁減五百二十兩 實該二千零八十兩

此銀作商嵌泥銀流銀等雜用

倭源白水鉛原冊一萬七千斤

今裁減三千四百斤 實該一萬三千六百

斤 此鉛作鉛磚鋪治局地雜用

倭源黑水鉛原冊八千斤

今裁減一千六百斤 實該六千四百斤

此鉛作鉛磚鋪治局地并雜用

日本國生紅銅原冊一千斤

今裁減二百斤 實該八百斤 此銅作洋

銅用

賀蘭國花洋錫原冊八百斤

今裁減一百六十斤 寔該六百四十斤

此錫作洋銅用

鋼鐵原冊一萬二千斤 今裁減二千四百斤

寔該九千六百斤 此鐵作煉銅大鍊師

十具每具一百二十斤共該一千二百斤餘

存作食鍋鐵確鉗錘刀礮等雜用

天方國番礮砂原冊三百六十斤

今裁減七十二斤 寔該二百八十八斤

此砂作鼎彝點染硃砂斑色用

三佛齊國紫砒石原冊三百斤

今裁減六十斤 寔該二百四十斤 此石

作鼎彝點染紫葡萄斑色用

渤泥國紫礦石原冊三百斤

今裁減六十斤 寔該二百四十斤 此石

作鼎彝點染棗斑色用

淳泥國臙脂石原冊二百斤

今裁減四十斤 寔該一百六十斤 此石

作鼎彝點染桑椹斑色用

琉球國安瀾砂原冊二百斤

今裁減四十斤 寔該一百六十斤 此砂

作鼎彝點染磨光模坯用

金絲礮原冊二百斤

今裁減四十斤 實該一百六十斤 此礬
作鼎彝點染蠟茶色用

鴨嘴胆礬原冊二百四十斤

今裁減四十八斤 實該一百九十二斤
此礬作鼎彝點染鸚羽綠脚地用

黃明礬原冊一百二十斤

今裁減二十四斤 實該九十六斤 此礬
作鼎彝點染蠟茶色脚地用

白明礬原冊二百斤

今裁減四十斤 實該一百六十斤 此礬
作鼎彝點染各色脚地用

出山水銀原冊一千八百斤

今裁減三百六十斤 實該一千四百四十
斤 此水銀作鼎彝流金商金鑲金之用

辰州府硃砂原冊三十斤

今裁減六斤 實該二十四斤 此硃砂作
鼎彝硃砂斑色用

梅花片石青原冊三十斤

今裁減六斤 實該二十四斤 此石青作
鼎彝點染石青斑色用

石綠原冊三十斤

今裁減六斤 實該二十四斤 此石綠作

鼎彝點染石綠斑色用

銅綠原冊三十斤

今裁減六斤 寔該二十四斤 此銅綠作

鼎彝點染綠色脚地用

古墨原冊二十斤

今裁減四斤 寔該一十六斤 此墨作鼎

彝黑漆古鑿殼青顏色用

黃丹原冊五十斤

今裁減十斤 實該四十斤 此丹作鼎彝

鉛古色脚地用

礪砂原冊三十斤

今裁減六斤 寔該二十四斤 此砂作鼎彝

水銀古脚地用

方解石原冊一百三十斤

今裁減二十六斤 寔該一百零四斤 此

石作鼎彝各色脚地用

白蠟原冊一百三十斤

今裁減二十六斤 實該一百零四斤 此

蠟作鼎彝發光顏色用

黃蠟原冊八百斤

今裁減二百六十斤 實該六百四十斤

此蠟作鼎彝模坯用

無名異原冊二十斤

今裁減四斤 寔該十六斤 此無名異作

鼎彝青磁色用

血竭原冊二十斤

今裁減四斤 寔該一十六斤 此血竭作

鼎彝朱紅斑色用

赤石脂原冊二十斤

今裁減四斤 實該一十六斤 此石脂作

鼎彝海棠紅脚地用

雲南碁子原冊二萬个

今裁減四千个 實該一萬六千个 此棋

子作鼎彝磁泐色用

雲南料石一百二十斤

今裁減二十四斤 實該九十六斤 此石

作鼎彝磁泐色用

煤炭原冊十萬八千斤

今裁減二萬一千六百斤 實該八萬六千

四百斤 此煤炭鑄冶煉銅用

標木炭原冊十萬八千斤

今裁減二萬一千六百斤 實該八萬六千

四百斤 此標炭作鼎彝鑄造煉銅用

松木炭原冊十二萬斤

今裁減二萬四千斤 實該九萬六千斤 此
松柴作匠工炊爨用

蘆柴原冊三萬斤

此柴裁減不得 作匠工炊食用

楊木煇炭原冊六百斤

此炭作鼎彝磨光用原數不敷再加六百斤

光砂原冊一千斤

此砂磨光鼎彝用不可減少

皇磚原冊四萬口

今裁減八千口 實該三萬二千口 此磚

作鑄爐食灶等用

石灰原冊四十石

此石灰作起造工匠屋舍爐灶等用不敷再
加十石

官瓦原冊六萬片

今裁減一萬二千片 實該四萬八千片

此瓦作起造工匠屋舍用

黃砂原冊三石

此砂和黃蠟等作鼎彝模坯用不敷再加三
石

玉田砂原冊三石

此砂作磨光鼎彝用不敷再加三石

鑊力木原冊十六根

此木作戒尺平板用不可裁減

大毛桎竹原冊三百莖

此竹作鼎彝模坯箍匝及襍用不可少

大杉木原冊一百二十棵

此木作工匠屋舍用不敷再加五十根

此外提舉官員及工匠人夫等不須裁減

今此裁減清冊

臣

與工部

臣

等再四估計毫無欺隱

謹將清冊進呈御覽乞賜俞允

臣

等不勝惶恐之至

宣德三年四月

日具疏隨冊恭進

宣德三年五月初一日

奉聖旨該部知道照冊頒發

欽此

宣德鼎彝譜卷之二終

宣德鼎彝譜卷三

太子太傅禮部尚書臣呂震奉 敕編次

工部一本為遵旨欽頒鑄冶物料事宣德三年五月初一日叨蒙聖恩俞允裁減鑄冶鼎彝應用材料理合具題遣官恭請內庫并各署管衙門領取謹具差官員名及該領物件上達天聽應否伏候上裁臣吳中等不勝惶懼之至

謹開

工部營繕司主事臣王玉益 工部都水司主事

臣米寶 鑄冶局大使臣張護 鑄冶局大使臣

許百祿

今撥營繕司主事 臣王玉益賚摺本恭詣內豐積庫
領取赤金六百四十兩白銀二千零八十兩

又賚摺本恭詣內節慎庫領取風磨銅三萬一千六
百八十斤白水鉛一萬三千六百斤黑水鉛六千四
百斤紅銅八百斤洋錫六百四十斤鋼鍊九千六百
斤

今撥都水司主事 臣米寶賚摺本恭詣戊字內顏料
庫領取安瀾砂百六十斤硃砂二十四斤石青二十
四斤石綠二十四斤銅綠二十四斤古墨十六斤白
蠟一百零四斤黃蠟六百四十斤黑白碁子一萬六
千个料石九十六斤

又撥都水司主事 臣米寶賚移會到太醫院領取番
礪砂二百八十八斤金絲礪一百六十斤紫礪石二
百四十斤紫礪石二百四十斤晉礪一百九十二斤
胭脂石一百六十斤黃明礪九十六斤白明礪二百
四十斤水銀一千四百四十斤方鮮石一百零四斤
血竭一十六斤無名異一十六斤赤石脂一十六斤
今撥鑄冶局大使 臣張護賚移會到司禮監惜薪司
領取煤炭八萬六千四百斤木炭八萬六千四百斤
松柴九萬六千斤蘆柴三萬斤
今撥鑄冶局大使 臣許百祿賚移會到皇木廠領取
錢力亦十六根大杉木一百七十根大毛桎竹三百

莖

又撥鑄冶局大使臣許百祿賚移會到皇磚廠領取石灰五十石皇磚三萬二千口官瓦四萬八千片黃砂六石玉田砂六石陽城礮二萬个烱銅錢礮一百六十个

本部營繕司特造大小風箱二十具

以上各項物料已經撥官領取為此上達天聽臣等不勝榮遇之至

宣德三年五月

日謹疏隨冊恭進

宣德三年六月十五日奉聖旨知道了

礼工二部奏進鼎彝名目冊

宣德三年六月廿六日工部尚書臣吳中會同礼部尚書臣呂震太常寺卿臣周瑛司礼監太監臣吳誠恭詣乾清宫謹獻鼎彝名目并具造清冊進呈天電其欵式高低輕重應否伏候上裁各欵鼎彝名目須至冊者

謹開

郊壇園丘昊天上帝神位前供奉乾宮卦象圓鼎一座

太祖高皇帝配享神位前供奉乾宮卦象圓鼎一座俱赤金純裏白銀商嵌

地祇方澤后土皇地祇神位前供奉坤宮卦象方鼎

一座

高皇后配享神位前供奉坤宮卦象方鼎一座俱赤金純裏白銀商嵌

園丘從祀大明之神日即朝壇神位前供奉三足金鳥象形鼎一座赤金純裏白銀商嵌

夜明之神月即壇神位前供奉玉兔朝元象形鼎一座白銀純裏赤金商嵌

風伯之神神位前供奉巽宮卦象圓鼎一座赤金商嵌

雲師之神神位前供奉艮宮卦象圓鼎一座赤金商嵌

雷公之神神位前供奉震宮卦象圓鼎一座赤金商嵌

兩師之神神位前供奉坎宮卦象圓鼎一座赤金商嵌

周天列宿之神神位前供奉紫微垣星象圓鼎一座赤金白銀商嵌

方澤從祀五岳之神神位前供奉五岳真形方鼎五座金銀絲片商嵌

四海之神神位前供奉四海真形方鼎四座赤金白銀商嵌

太社之神神位前供奉太社址基圖方鼎一座赤金

白銀商嵌

太稷之神神位前供奉太稷地基圖方鼎一座赤金
白銀商嵌

五岳從祀五鎮之神神位前供奉夔龍雲雷方鼎五
座白銀商嵌

四海從祀四瀆之神神位前供奉萬水朝宗方鼎四
座白銀商嵌

中祀諸壇先農之神神位前供奉一元大武鼎一座
純金流裏井田座白銀商嵌

先蠶之神神位前供奉鳳首卧蠶桑一座赤金商嵌
馬祖之神神位前供奉獅首馬蹄爐一座赤金裏流

双耳

太歲月將之神神位前供奉三足中索耳鬲爐十六
座本色

山川社稷都城隍社今共廿四位賜三足索耳鬲爐
廿四座本色

太學土地等神十二位賜三足索耳中鬲爐十二座
本色

司禮監二十四司土地之神賜三足索耳鬲爐廿四
座本色

太常寺奉勅撥賜兩京祀典神祇二百十二位三足
索耳中鬲爐二百十二座本色

禮部祠祭司奉勅分賜名山各鎮神祇二百十六位
三足索耳中鬲爐二百十六座本色

五軍都督府旂纛廟并甲仗庫內豐積庫等土地之
神三十二位勅賜三足索耳中鬲爐三十二座本
色

女官署十三局先蠶祠并桑園等土地之神共二十
七位賜三足索耳中鬲爐二十七座本色

八蜡祠諸神共二十二位賜三足索耳中鬲爐二十
二座本色

歷代帝王廟三皇五帝位前供奉六合黼黻方彝八
座

從祀漢高祖漢光武隋文帝唐太宗宋太祖元世祖
供奉六合黼黻方彝六座俱倣古青綠色商嵌

帝王廟從祀功臣東廡第一壇風后臯陶伯益傳說
召公奭召穆公虎張良曾參第二壇周勃馮異房
玄齡李靖李晟潘義岳飛木華黎共一十六位

西廡第一壇力牧夔伯夷伊尹周公旦太公望方叔
蕭何陳平第二壇鄧禹諸葛亮杜如晦郭子儀曹
彬韓世忠張浚共一十六位勅賜夔龍戈足鬲三
十二座本色

太學大成殿先師聖位前供奉麒麟立鼎一座赤金
純裏白銀商嵌

四配四聖位前供奉三足大鬲爐四座本色
十哲十賢位前供奉三足大鬲爐十座本色
東廡從祀先賢三十三位先儒一十四位供奉三足
大鬲爐四十七座本色
西廡從祀先賢二十九位先儒一十五位供奉三足
大鬲爐四十四座本色
啓聖祠聖位前供奉三足大鬲爐一座本色
武學武成王位前賜夔龍戈足雷文鬲一座本色
從祀歷代名將廉頗李牧王翦吳起孫武子韓信等
四十四位賜母乙鬲四十四座本色
宣德鼎彝譜卷之三終

宣德鼎彝譜卷四

太廟奉先殿高祖考德祖玄皇帝高祖妣玄皇后曾
祖考懿祖恒皇帝曾祖妣恒皇后祖考熙祖裕皇
帝祖妣裕皇后皇考仁祖淳皇帝皇妣淳皇后聖
文神武欽明啟運峻德成功統天大孝高皇帝廟
號太祖考慈昭憲至仁文德承天順聖馬氏高皇
后永樂二十二年上文廟尊諡體天弘道高明廣
運聖武神文純仁至孝文皇帝廟號太宗皇后徐
氏仁孝慈懿誠明莊獻配天齊聖文皇后洪熙元
年上仁廟尊諡敬天體道純誠至德弘文欽武章

聖達孝昭皇帝廟號仁宗皇后張氏誠孝恭肅明德和仁順天啟聖昭皇后以上奉先殿七廟帝后共十四位供奉子：孫：萬年無疆方鼎一十四座赤金純裏白銀商嵌

功臣廟中山武寧王徐達開平忠武王常遇春岐陽武靖王李文忠寧河武順王鄧愈東甌襄武王湯和黔寧昭靖王沐英以上六位正座供奉勛名鼎六座赤金商嵌

功臣從祀兩廡東序西向都指揮使馮國用都督僉事耿再成都督僉事丁德興都督同知張德勝靖海侯吳禎平章康茂才副使茅成西序東向叅

政胡大海都督同知趙德勝廣德侯華高都督同知俞通海江陰侯吳良宣寧侯曹良臣安陸侯吳復副使孫興祖共一十五位供奉勛名鼎一十五座赤金商嵌

內府五祀司戶之神每歲孟春祭供奉戟耳爐三座

司竈之神每歲孟夏祭供奉饗餐鬲二座

中雷之神每歲季夏祭供奉三元爐一座

司門之神每歲孟秋祭供奉九菹爐五座

司井之神每歲孟冬祭供奉井口鼎二座俱本色

旂纛廟旂頭大將軍位一六纛大將軍位一無敵大將軍位七五方旂神主宰位五征戰船神位五金

肱字未確

鼓角砲銃神位四弓弩飛鎗飛石神位四陣前陣
後五猖等眾神祇位十七共四十四位供奉大鼓
墩爐四十四座本色

聖濟殿三皇聖帝位前供奉大朝冠鼎三座本色

從祀先醫東廡僦貸季天師岐伯鬼史區俞跗少俞

少師桐君太乙雷公馬師皇伊尹張機神應王扁

鵲倉公淳于意西廡華陀王叔和皇甫謐葛洪巢

元方孫思邈藥王韋慈藏啓元子王永錢乙朱肱

李果劉完素張元素朱彥修共二十八位賜環耳

丹爐廿八座本色
內府

紫宸殿御几陳設大金狴鼎赤金流裏白銀商嵌

紫宸殿東煖閣御几陳設蟠夔垂花鼎青綠商嵌

紫宸殿西煖閣御几陳設蟠虬環耳鼎青綠商金

睿思殿御几陳設傲古文王鼎青綠商金

睿思殿東煖閣御几陳設太平有象彝青綠商金

睿思殿西煖閣御几陳設四方平定黼黻彝青綠商
金

乾清宮

瑤華殿御几陳設子父鼎青綠商金

瑤華殿東煖閣御几陳設王伯鼎青綠商金

瑤華殿西煖閣御几陳設象形鼎青綠商金

文華殿御几陳設夔龍蟬文鼎本色商金

文華殿東便殿御几陳設夔龍蟬文鼎本色商金

文華殿西便殿御几陳設夔龍蟬文鼎本色商金

凝神殿御几陳設夔龍鼎本色

凝神殿東便殿御几陳設夔龍鼎本色

凝神殿西便殿御几陳設夔龍鼎本色

隆安殿^皇御几陳設萬壽鼎青綠商金

隆安東便殿御几陳設蟠螭垂花鼎青綠商金

隆安西便殿御几陳設鬪角雷文鼎青綠洒金

隆安東香閣御几陳設蟠虬鼎青綠商金

隆安西香閣御几陳設乙毛鼎青綠色

玉宸殿御几陳設螭龍鼎青綠色

玉宸東便殿御几陳設素腹鼎青綠色

玉宸西便殿御几陳設素腹鼎青綠色

景福殿^皇御几陳設蟠夔雷文鼎本色

景福東便殿御几陳設雷夔鼎本色

景福西便殿御几陳設蟠雷鼎本色

景福東香閣御几陳設八節平安鼎本色

景福西香閣御几陳設如意彝本色

貞一齋^皇御几陳設冲天耳三足大乳爐本色覆

祥雲

貞一齋御几陳設冲天耳三足中乳爐本色金帶圍

貞一齋東書房御几陳設冲天耳三足大乳爐本色
金帶圍

貞一齋西書房御几陳設冲天耳三足大乳爐本色
湧祥雲

貞一齋東書房御几陳設冲天耳三足中乳爐本色
覆祥雲

貞一齋西書房御几陳設冲天耳三足中乳爐本色
湧祥雲

貞一齋東香閣御几陳設冲天耳三足中乳爐本色
貞一齋西香閣御几陳設冲天耳三足小乳爐本色
覆祥雲

端拱堂 皇上燕居密室 御几陳設雙魚耳彝本色

端拱堂東便室御几陳設雙魚耳彝覆祥雲

端拱堂西便室御几陳設雙魚耳彝金帶圍

端拱堂東煖閣御几陳設雙魚耳彝湧祥雲

端拱堂西煖閣御几陳設雙魚耳彝上下祥雲

淵默堂御几陳設蚰龍耳大彝爐本色

淵默堂東書房御几陳設蚰龍耳大彝爐本色覆祥雲

淵默堂西書房御几陳設蚰龍耳大彝爐本色湧祥雲

坤寧宮 皇后宮

懿德殿御几陳設錦邊天雞彝本色

懿德殿東椒房御几陳設山雷螭首彝本色

懿德殿西楹房御几陳設夔耳素腹彝本色商金

天漢樓寢宮上御几陳設太平萬歲博山爐青綠商金

天漢樓南榮閣御几陳設定時香案本色商金

天漢樓北極閣御几陳設銜香金鶴純金流裏

冬蠹斯殿御几陳設辟邪鼎青綠商金

冬蠹斯殿東椒閣御几陳設疏蓋鳳足彝青綠商金

冬蠹斯殿西椒閣御几陳設百摺夔龍方鼎青綠色

宣德鼎彝譜卷之四終

宣德鼎彝譜卷五

勅賜兩京各衙門鼎彝名目

奉聖旨着禮部會同司禮監等官商酌頒賜兩京

各衙門鼎彝必須品格典雅與職官名目義合經

史者明白寫圖奏來俟朕採擇中式者鑄治頒賜

欽此

禮部尚書呂震等遵旨議定頒賜者衙門鼎彝名

目已經進呈蒙聖恩採擇中式者已經鑄治奏成

理合具題上達天聽伏望差官勘驗以便頒賜臣

等不勝瞻候之至奉聖旨各衙門頒賜鼎彝昨勘

官回奏如法鑄治深合經史文義大洽朕懷卿等
勤勞可嘉各賜勅獎譽欽此

文淵閣大學士 三員

勅賜三元神獸鳳奩彝 青綠商金

吏部衙門 尚書一員侍郎二員

勅賜蟠虬彝 本色商金

戶部衙門 尚書一員侍郎二員

勅賜蟠夔侈口彝 本色商金

禮部衙門 尚書一員侍郎二員

勅賜夔耳連虬彝 本色商金

兵部衙門 尚書一員侍郎二員

勅賜獅首大彝爐 本色商金

刑部衙門 尚書一員侍郎二員

勅賜環耳蟠虬鼎 本色商金

工部衙門 尚書一員侍郎二員

勅賜象耳大彝爐 本色商金

宗人府衙門 宗令一員

勅賜金枝玉葉鼎 本色商金

詹事府衙門 正詹一員少詹一員

勅賜臺几爐 本色商金

翰林院衙門 學士一員

勅賜鳳池鼎 本色商金

都察院衙門 都御史一員 副都二員

勅賜多首大彝爐 本色商金

國子監衙門 祭酒一員

勅賜橋耳爐 本色

京府尹衙門 順天府一員 應天府一員

勅賜和羹鼎 本色

通政司衙門 正卿一員 少卿一員

勅賜嘉石陳書鼎 本色

太常寺衙門 正卿一員 少卿一員

勅賜八音天樂鼎 本色

光祿寺衙門 正卿一員 少卿一員

勅賜天厨鼎 本色

大理寺衙門 正卿一員 少卿一員

勅賜神羊鼎 本色

鴻臚寺衙門 正卿一員 少卿一員

勅賜白澤鼎 本色

太僕寺衙門 正卿一員 少卿一員

勅賜天馬鼎 本色

尚寶司衙門 正卿一員

勅賜圖書鼎 本色

太醫院衙門 正使一員

勅賜神獸鼎 本色

六科衙門 都給事六員

勅賜法器鼎 本色

欽天監衙門 監正一員

勅賜明時鼎 本色

司禮監衙門 太監一員 少監一員

勅賜既濟鼎 本色

奉旨補鑄內府雜用鼎彝名目

內府齋宮雲敦 本色

內府御書房三螭硯頭小鼎 青綠商金

內府水殿金蓮博山鼎 純金流裏

內府相宴榻囊爐 本色

內府御廁深腹鼎 本色

勅賜天下名山勝境釋道二教鼎彝名目

大號梵書爐 本色商金

大號梵書爐 本色商銀

中號梵書爐 本色商金

中號梵書爐 本色商銀

大鉢盂爐 本色 滲金二種

高脚押經爐 本色

低脚押經爐 本色

雁翎法盞爐 本色

連珠法盞爐 本色

工部一本為鼎彝鑄冶告成進呈御覽恭謝天恩事
臣吳中蒙皇上特達之知猥承禁近職寵司空謬以
樗櫟之庸材特膺喉舌之重任糜捐頂踵難報隆恩
我皇上敬天法祖聿修聖德與唐堯并並體虞舜駢
肩海晏河清年登歲稔黔首康定宗社奠安萬國咸
賓四夷臣服越裳白雉來集禁廷弱水丹鷄歸翔靈
沼日月照臨罔不慕化爰有暹羅之國祥占星歷仰
企華風重譯獻琛不辭跋涉險歷鯨波朝瞻鳳闕鼓
舞膜拜喜覲天顏知我皇上重德輕財不寶珠玉謹貢
良銅百億以供神禹鑄鼎之需爰勅臣工越稽典禮
諏吉興工賴皇上如天之福山岳効靈風雲增色鼎

彝諸器指日告成謹詹本月十五日長至之辰帝歷
與日月爭長皇圖共乾坤永固臣謹同禮部太常寺
司禮監諸臣恭誠按驗逐件精詳並皆完好無訛恭
詣乾清宮謹獻鑄成鼎彝諸器並具清冊上呈睿覽
伏冀天恩賜錄赦宥顛愚臣等誠惶誠恐稽首頓首
無任恐懼之至

宣德三年十一月 日具疏

宣德三年十一月二十一日司禮監太監吳誠賚出
聖旨奉天承運皇帝詔曰朕自臨馭以來兢兢自修
不崇外飾唯以敬天法祖為務深荷天地祖宗之靈
海宇清寧山川安謐遠夷慕化重譯而至者三十餘

國內有暹羅國王滿刺迦霽獻珠闕下爰貢良銅厥號風磨色同陽邁詢之臣下堪鑄鼎彝朕念郊壇宗廟內廷所在陳設鼎彝式范猥鄙不足以配典章故勅爾工部鑄造昨覽進呈諸種鼎彝深合古制大洽朕懷卿等勤勞可嘉勅賜白金文綺各陞三級俸其外如應補鑄簠簋尊俎豆諸器可倣古范鑄造告成之日着禮部太常寺司禮監協同爾工部按驗進呈不必寫圖煩瀆欽此

宣德三年十一月 日勅

工部一本為欽奉上諭事工部尚書臣吳中與禮部尚書臣呂震太常寺正卿臣周瑛司禮監太監臣吳

誠于本月二十日接到聖旨蒙恩頒賜白金文綺已經赴闕恭謝天恩訖外蒙頒諭補鑄簠簋尊俎豆諸器倣古式范鑄造不必寫圖煩瀆欽此欽遵應補鑄諸器數目理合清冊先呈睿覽俟諸器告成之日照冊按驗恭進尚方為此具題上達天聽伏冀聖慈垂照臣等不勝榮遇之至

謹開以上應該補鑄一應大小鼎彝彝壺尊俎豆簠簋函簿諸器合計一萬五千六百八十四件除鼎彝鑄過外餘器應補鑄者照永樂十三年禮部題請鑄造祭器諸項品目款式列冊上呈應否伏候聖裁臣等謹聽玉音謹疏

宣德三年十一月 日

宣德三年十二月初一日奉聖旨該部知道照冊施行

宣德鼎彝譜卷之五終

宣德鼎彝譜卷六

郊壇圜丘昊天上帝太祖高皇帝配享供奉乾宮卦

象鼎二座

倣宋祥符禮器圖式鼎高二尺四寸耳高一寸八分腹深八寸六分足高一尺四寸四分兩耳三足體圓重十六斤八兩十二煉洋銅鑄成周身赤金純裏鼎腹細鈕乾宮卦象及雷雲之文下有陽識大明宣德年製六字真書匾印二鼎欵製一同臣等謹案大明會典曰洪武初元建郊壇于南京鍾山之陽冬至日致祭以仁祖配享昊天上

帝南向仁祖西向永樂十八年北京郊壇成于
正月上辛日致祭以高皇帝配享而罷仁祖上
帝位前高皇帝位前俱有洪武十年所鑄金鼎
現供在案今鑄此鼎以昭誠敬于二帝筵前恭
設沉香雕几二張時安此鼎純焚沉腦以敬天
神夫軋者天也郊社之器宜于典則臣等酌議
以祥符禮器軋宮鼎允宜郊壇之用况鼎體圓
規以象園天之形宋儒議禮酌古證今謂合于
禮經之制矣凡園丘從祀諸神供鼎圓者俱所
以則天也

大明之神供奉三足金烏鼎

倣唐朝天寶年局鑄鼎高一尺九寸七分長二尺
一寸三分座高五寸一分重十斤六兩煉洋銅
鑄成周身赤金純裏細釵毛羽翅足妙具翔集生
動之致

臣等謹按大明會典曰洪武初以大明之神從
祀園丘永樂十八年北京朝日壇成建于東長
安門外春分日致祭神位前原有洪武間金鑄
日字圓鼎今鑄此鼎以設沉香雕几安置純焚
沉腦以昭誠敬其鼎象形之義唐之議禮諸臣
盖取離騷經天問曰羿焉畢日烏焉解羽日中
有烏或本于此今以象鼎報功合其宜矣

夜明之神供奉玉兔朝元鼎

倣唐朝天寶年局鑄鼎高一尺四寸長一尺八寸六分座高五寸三分重十四斤九兩十二煉洋銅鑄成周身白銀純裏細銀頭尾耳足深得俯伏顧戀之態

臣等謹按大明會典曰洪武初年以夜明之神從祀園丘永樂十八年北京夕月壇成建于西阜成門外秋分日致祭神位前現供洪武年銀鑄月字圓鼎今鑄此鼎設紫檀雕几安置純焚沉腦以昭誠敬其象形鼎之義蓋緣唐儒採取離騷經天問曰夜光何德死而復育厥利維何

碩兔在腹月中有兔蓋本于此今以之鑄鼎報功合其宜矣

風伯之神供奉巽宮卦象鼎

倣周易後天八卦圖鼎高一尺七寸五分耳高一寸六分腹深八寸足高八寸腹徑圍二尺二寸兩耳三足體圓重十五斤九兩十煉洋銅鑄成周身蠟茶色赤金商嵌巽宮卦象間以風文

臣等謹按大明會典曰洪武初年建園丘于鍾山之陽于冬至日有事南郊以大明夜明及風雲雷雨周天星宿從祀原有洪武鑄鼎現供神前今鑄此鼎另几焚香以昭誠敬臣等謹按易

傳曰巽為風其位東南性好飄揚司于發育萬物風伯之職與巽相符今取卦象以儷鼎焉
雲師之神供奉艮宮卦象鼎

倣周易後天八卦圖鼎高一尺九寸耳高一寸七分腹深八寸一分足高九寸一分腹圍徑二尺五寸兩耳三足體圓重十七斤三兩十煉洋銅鑄成
周身蠟茶色赤金商嵌艮宮卦象

臣等謹按大明會典曰洪武初年建園丘于鍾山之陽冬至日郊祭以諸神從祀原有洪武間所鑄雲字圓鼎現供神几今特鑄鼎另几焚香以昭誠敬
臣等謹按易傳曰艮為山連山出雲

不崇朝而雨雲師之職與艮合德以之飾鼎頗合其宜

雷公之神供奉震宮卦象鼎

倣周易後天八卦圖鼎高一尺八寸七分耳高一寸七分腹深七寸足高一尺一寸三分腹圍徑二尺八寸體圓重十九斤四兩十煉洋銅鑄成周身蠟茶色赤金商嵌震宮卦象

臣等謹按大明會典曰洪武間建園丘于鍾山之陽冬至日以風雲雷雨諸神從祀原有洪武所鑄雷字圓鼎現供神前今特設鼎另几焚香以昭誠敬
臣等謹按易傳曰震為雷其能驅除

邪屬出則興利入則除害與雷公之職相符宜
著之祭鼎以報懋功

雨師之神供奉坎宮卦象鼎

倣周易後天八卦圖鼎高一尺七寸九分耳高一
寸七分腹深七寸九分足高一尺五分腹圍徑二
尺三寸八分體圓重十七斤二兩十煉洋銅鑄成
周身蠟茶色赤金商嵌坎宮卦象

臣等謹按大明會典曰洪武間建園丘于南京
鍾山之陽冬至日致祭以風雲雷雨諸神從祀
神位前原供洪武所鑄雨字圓鼎今特設鼎另
几焚香以昭誠敬臣等謹按易傳曰坎為水在

天為雨露霜雪在地為江淮河海水流而不盈
行險而不失其信故堯舜之時五風十雨歲稔
年豐昇登紀瑞此坎德之不失其信也今以之
象雨師之鼎甚為合宜

周天列宿之神供奉微垣星象鼎

倣璇璣圖鼎高一尺六寸八分耳高一寸四分腹
深六寸八分足高八寸三分腹圍徑二尺七寸七
分體圓重十五斤三兩十煉洋銅鑄成兩耳三足
周身蠟茶色赤金白銀商嵌列宿星象

臣等謹按大明會典曰洪武初年建園丘于南
京鍾山之陽合祀諸神以列宿之神次于夜明

永樂十八年北京夕月壇成以星神從祀原有
洪武年間所鑄星字圓鼎現供神前今特設鼎
另几焚香以昭誠敬臣等謹按禮經曰祭星曰
散首曰五星其次曰二十八宿並周天列宿國
有災祲必祭星禳之曰祭臣等酌議以璇璣之
圖列寫于鼎以報神功

郊壇方澤后土皇地祇高皇后配享供奉坤宮卦象

鼎二座

倣周易後天八卦圖鼎高二尺四寸耳高二寸二
分腹深一尺九寸三分足高九寸一分腹徑一尺
五寸七分長徑一尺八寸兩耳四足體方重二十

七斤六兩十二煉洋銅鑄成周身赤金純裏細鈹

卦象水紋

臣等謹按大明會典云洪武初年建方澤于鍾
山之陰于夏至日祀皇地祇永樂十八年北京
天地壇成每年仍合祀洪武所鑄皇祇字金鼎
現供在案今鑄此鼎以昭誠敬另設沉香雕几
供鼎焚沉腦以敬神祇臣等謹按經解曰坤為
地厚載羣生發育萬物陽施陰翕德合昊天祀
地鼎紋允宜坤象况鼎體矩方亦以象地方澤
從祀諸神供鼎皆方者所以從地也鼎倣宋祥
符禮器圖象之外圍以水紋者水浮天而載地

也其說見坤輿圖考

五嶽之神供奉五岳真形鼎五座

倣宋祥符禮器圖高二尺一寸二分耳高二寸一分腹深一尺二寸足高七寸一分腹方徑九寸六分長徑二尺二寸兩耳四足重十六斤十二兩十煉洋銅鑄成周身蠟茶色赤金白銀商嵌真形雲氣

臣等謹按大明會典曰洪武十年夏至日祀皇地祇于方澤以五岳五鎮四海四瀆從地永樂十八年北京天地壇成合祀園丘方澤從祀諸神列壇丹墀東西相向分祀東岳泰山南岳衡

地疑祀

山西岳華山北岳恒山中岳嵩山五岳位前原供洪武所鑄泰衡華恒嵩字銀鼎今鑄此鼎另几陳設焚香以昭誠敬臣等謹按漢武內傳曰西王母駕降漢宮與帝游宴帝見王母巾箱中有五岳真形圖云得佩服者能祛邪魅通神明帝乞得之流傳至今祀岳鼎器合寫真形矣五鎮之神供奉夔龍鼎五座

倣宋宣和博古圖鼎高一尺六寸五分耳高一寸四分腹深七寸二分足高七寸六分腹圓徑一尺五寸五分兩耳三足重八斤四兩十煉洋銅鑄成周身蠟茶色赤金流嵌龍文

臣等謹按大明會典曰五鎮之神乃基運山神
翊聖山神神烈山神天壽山神純德山神也臣
等謹按翼雅曰夔龍神物能致霖雨以澤蒼生
夫五岳名山拱衛皇圖輔翼山岳恪神昭格灾
厲不興奠安黎庶德澤深矣夔龍飾鼎祀之允
宜

四海之神供奉四海真形鼎四座

做唐天寶局鑄鼎高一尺八寸七分耳高一寸八
分腹深八寸三分足高八寸九分腹方徑二尺二
寸長徑二尺五寸兩耳四足重十二斤五兩十煉
洋銅鑄成周身蠟茶色赤金白銀商嵌真形水紋

臣等謹案大明會典曰方澤從祀四海之神于
天地壇丹墀分祀今特鑄鼎以昭誠敬臣等謹
按魚龍圖云昔神禹祀水天帝遣玄夷使者乘
龍秉節後當作禹以四海真形之圖然後能疏
通衆水石當作流入海今祀海神用以飾鼎合
其宜矣

四瀆之神供奉萬水朝宗鼎四座

做宋祥符禮器圖高一尺七寸三分耳高一寸五
分腹深六寸五分足高九寸三分腹方徑二尺長
徑二尺四寸兩耳四足重十三斤二兩十煉洋銅
鑄成周身蠟茶色赤金白銀商嵌篆書水紋

臣等謹按大明會典云方澤從祀四瀆之神于
天地壇之丹墀分祀今鑄此鼎以昭誠敬謹按
水經曰瀆者獨也不與衆流混合其源獨超歸
海故衆水推尊今飾器祀神合宜極矣

太社之神供奉太社址基鼎

倣唐天寶局鑄鼎高二尺一寸六分腹深九寸六
分足高一尺一寸耳高一寸二分腹方徑一尺三
寸長徑二尺二寸兩耳四足重十四斤九兩十煉
洋銅鑄成赤金商嵌址基圖

臣等謹按大明會典云洪武初以春秋仲月上
戊日祭太社太稷建壇于門之右異壇同壇社

主用石高五尺濶二尺上微尖立于壇社半埋
土中近南向北稷主埋土亦同今太社太稷用
基址飾鼎蓋本于此云臣等謹按集禮彙要曰
社稷之樹夏后氏以松殷人以栢古人所稱今
太社鼎兩輔樹松太稷鼎兩輔樹栢取此意也
太稷之神供奉太稷址基鼎

倣唐天寶局鑄鼎式一同太社制度諸說詳見太
社

先農之神供奉一元大武鼎

倣宋元豐禮器圖鼎高二尺二寸重六斤十一兩
有井田座面方八寸四分重一斤八兩煉洋銅鑄成

俱赤金裏

臣等謹案大明會典云每歲仲春上戊致祭先農于山川壇神前原有舊鑄方爐今博採古器得此一元鼎及井田座深合禮儀謹按事物異名云牛畜別名大武任重致遠為農家耕本以此飾鼎以井田飾座報功先農合其宜矣先蠶之神供奉鳳首卧蚕大彝

做宋定磁欵式彝高一尺三寸四分口径六分足高三寸鳳首長九分四分參十煉洋銅鑄成重二斤二兩周身琥珀色赤金商嵌鳳首蚕文臣等謹案大明會典云每歲春仲擇吉致祭先

蠶神于內苑皇后親祭其儀制詳大明會典今鑄此彝以祀先蠶報功之典于此允當

馬祖之神供奉獅首馬蹄爐

做宋哥窑欵式爐高五寸六分口径五寸三分足高一分二分參獅首高四分四分參八煉洋銅鑄成重七兩二錢周身棠梨色赤金商嵌獅首

臣等謹按大明會典云馬祖廟建南京後湖每歲二月中旬擇日勅太僕寺官致祭今鑄此爐以供馬祖之祀為宜

太歲月將山川城隍各土地共五百八十位賜索耳三足鬲爐大中二號共五百八十座

倣宋磁欵式大號高二寸六分口径二寸三分耳
高八分足高三分重六兩七錢中號高二寸口径
二寸一分耳高七分重五兩四錢五煉洋銅鑄成
周身棠梨色不施金采

臣等謹案大明會典載禮部祠祭司所掌祀典
神祇合應分賜今鑄此兩爐二號勅禮部分給
各祠

歷代帝王廟三皇五帝並兩漢隋唐宋元諸帝共十
四位供奉六合黼黻方彝十四座

倣晉六合黼黻彝欵式彝高三寸二分口径四寸
一分耳長一寸八分足高五分四釐八煉洋銅鑄

成重六兩七錢周身藏經紙式赤金商嵌黼文及
耳

臣等謹按大明會典洪武六年建唐應作代帝
王廟于京師以春秋致祭今鑄此彝以昭誠敬
云

從祀功臣三十二位供奉夔龍戈足大彝兩爐三十
二座

倣宋宣和博古圖爐高七寸八分耳高一寸三分
口径四寸二分腹徑六寸深三寸足高三寸兩耳
三足體圓六煉洋銅鑄成重十兩七錢周身蠟茶
色不施金采

臣等謹按大明會典云每歲春秋祭歷代帝王
庶其從祀功臣三十二位分東西四壇今鑄此
彝三十二座飾以夔龍喻訏謨良輔黼黻皇猷
戈足者喻下疑脫輯武抑暴除強以此飾彝
報功可也

至聖先師供奉麒麟立鼎

倣元朝姜鑄欵式鼎高二尺四寸八分重二十四
斤二兩十煉洋銅鑄成周身赤金純裏細銀毛爪
形製如生

臣等謹案大明會典云國初每歲春秋二仲傳
制致祭先師于國學其儀制詳見會典聖位前

原供洪武所鑄商金龍鼎今設檀几特供此鼎
以昭誠敬臣等謹按春秋夫子絕筆于西狩獲
麟今以立麟象鼎專祠先師雅稱合節

從祀先賢先儒一百六位供奉索耳三足大鬲爐一
百零六座

倣元朝姜鑄欵式爐高四寸八分耳高二寸一分
腹深三寸足高七分腹圓徑一尺八寸兩耳三足
重二斤三兩八煉洋銅鑄成棠梨本色不施金采
臣等謹按大明會典云每歲春秋二仲傳制致
祭先師于國學其從祀四配十哲兩廡先賢先
儒共一百零六位今鑄大鬲爐一百零六座照

數勅賜臣等謹按宣和博古圖云夫鬲者格也
供祀神明欲其昭格故于文廟從祀諸賢以此
為供

武學武成王供奉夔龍戈足雷文鬲

倣宣和博古圖式高低大小如圖重一斤十一兩
耳高八分口圓徑七寸八分腹深四寸三分足高
一寸二分八煉洋銅鑄成棠梨本色不施金采

臣等謹按大明會典云每歲秋仲上辛日祭武
成王于武學永樂十八年勅改祭期以仲秋上
戊日用犢羊豕各一登釔簠簋各二籩豆各十
制帛六酒爵三神位前原供洪武所鑄武字圓

鼎今賜此鼎以昭誠敬臣等謹按夔龍經云夔
龍為諸龍之長能食銅鐵力移山海出入有風
雷相隨雄姿威武世莫等倫今以此鬲供神昭
其武烈之偉頗合其宜

從祀名將四十四位供賜母乙鬲爐四十四座

倣宣和博古圖式大小如圖重十五兩八錢耳高
六分三厘口圓徑六寸四分腹深三寸六分足高
一寸二分八煉洋銅鑄成周身蠟茶色不施金采
臣等謹按大明會典云每歲仲秋上戊勅祀武
學武成王及歷代名將四十四位今賜母乙鬲
四十四座以昭誠敬臣等謹按邵古人物考母乙

高商朝名將三伐鬼方平定疆宇載之史乘此
高必當時商王所賜以旌武功者今倣此高以
祀歷代名將亦稱其宜

宣德鼎彝譜卷之六終

書